


GLAVA 6

Sport



6.1 Treće mjesto na 19. Međunarodnoj veslačkoj regati u Portorožu (Slovenija)



Slika 30. Naši veslači sa profesorima



Veslači naše Škole osvojili su u subotu (11.11.2017.) bronzanu medalju na 19. Međunarodnoj veslačkoj regati u Portorožu!

Medalja je osvojena u konkurenciji 16 ekipa iz Slovenije, Hrvatske i Italije. Naši momci i profesori su posebno ponosni na osvojeno 3. mjesto budući da ni ove godine pravo na učešće u takmičenju nije imalo limit u godinama!

Prvo mjesto osvojila je ekipa grada Portoroža, inače veterani njihovog Pomorskog fakulteta (momci koji imaju od 25 do 30 godina), drugo mjesto ekipa Pomorskog fakulteta (momci opet stariji od naših srednjoškolaca), pa su odmah za njima do cilja stigli naši veslači! Ekipe naše Škole razlika u godinama nije bila prepreka, a među veslačima srednjih škola bili su ubjedljivo najbolji!

Rekli smo im da nam bronza sija zlatnim sjajem i da su nam njihov timski duh i nasmijana lica snažan vjetar u jedra!

Sastav naše veslačke ekipe činili su: Andrej Krivokapić (kormilar), Nikola Čavor (kapi-

ten), Andrija Milinović (štroker), veslači: Nikola Femić, Petar Đolović, Strahinja Ratković, Vasilije Ćirković, Ljubo Pavićević, Dean Miljanić, Matija Milatović, Božo Radović, Marko Novak i Bogdan Knežević

U pravom sportskom duhu, čestitali smo i ekipama koje su osvojile zlato i srebro.

Veslače su pratili profesori Milan Franović i Željko Gotesgreber, u proteklom periodu isti profesori kao i profesor Darko Botica marljivo su pripremali veslače.

Napominjemo da nam je ovo 36. regata na kojoj smo učestvovali, da smo se do sada sa tih regata vratili sa ukupno 35 medalja, od ovog broja 14 puta smo dobili zlatnu medalju, 13 puta srebrnu i 8 puta bronzanu.

Jasno, momci iz ovog sastava imali su dvostruku motivaciju – onu ličnu i onu na koju ih obavezuje ovakva prošlost.

I u Godišnjaku ponavljamo čestitke za momke i za profesore! Bravo!



6.2 Školska veslačka regata



Slika 31. Pobjednici veslačke regate - odjeljenje IIIb sa profesorima Darkom Boticom (lijevo) i Milanom Franovićem (desno)



Kvalifikacione trke za Školsku veslačku regatu održane su četvrtak (31.V 2018) u akvatoriju ispod Fakulteta za pomorstvo. Takmičila su se sva tri odsjeka naše Škole, sa tri čamca u svakoj trci.

Od 15 ekipa koje su se prijavile, za polufinale su se kvalifikovala sljedeća odjeljenja: Ia, IIb, IIIb i IVa. .

U finalnoj trci koja je održana dan poslije, u petak, pobjedila je ekipa trećeg razreda, odjeljenje IIIb, drugi su učenici drugog razreda, odjeljenje IIb, a treće mjesto je osvojila ekipa prvog razreda, odjeljenje Ia. Profesori su naglasili da odjeljenje Ia treba posebno pohvaliti u tako jakoj konkurenciji! Održana je i revijalna trka između veterana naše Škole i pobjedničke ekipe, borba je bila žestoka i u foto finišu odjeljenje IIIb odnijelo je zasluženu pobjedu.

Uz pomoć kolega iz kolektiva, trke su organizovali i vodili profesori: Milan Franović, Mario Crvelin, Željko Go-

tesgreber, Darko Botica i Milodrag Jelisavac.



6.3 Srebrna medalja na 24. Međunarodnoj veslačkoj regati Bakar, maj 2018.



Slika 32. Naša ekipa na regati



Veslačka ekipa Srednje pomorske škole u ranim jutarnjim časovima krenula je na 23. Međunarodnu regatu "Bakar 2018".

U Bakar su krenuli sljedeći učenici: Nikola Čavor, kapiten, veslači: Božo Radović, Marko Novak, Strahinja Ratković, Ljubo Pavićević, Vasilije Ćirković, Nikola Femić, Petar Đolović, Bogdan Knežević, Dušan Đorđević, Matija Milatović, Ivan Kažanegra, Dean Miljanić, Đorđe Vulović i kormilar: Andrej Krivokapić. Učenike je pratio profesor Milan Franović.

Naglašavamo da je ekipa počela sa priprema za ovu regatu prije mjesec ipo dana, a sa njima su radili profesori: Darko Botica, Željko Gotesgreber i Milan Franović. Mjesto održavanja regate bio je akvatorijum Bakarskog zaliva, a vrijeme predviđeno za početak – 12 časova.

Poželjni smo im da dobro veslaju ☺, naše želje i njihov vrijedan rad urodili su plodom jer su nam se vratili sa srebrnom me-

daljom!

Momci i profesor ističu da su u fotofinišu finalne trke izgubili od domaćina i tako osvojili drugo mjesto, znači bilo je neizvjesno do samoga cilja! Zlato je bilo taako blizu Srebro je osvojeno u konkurenciji 7 srednjih škola i 2 fakulteta iz Hrvatske, Slovenije, Italije, Srbije i Crne Gore.

Veliko bravo za naše srebrne momke!

